


444


444

E 10

E

10





DISPUTATIO JURIDICA
INAUGURALIS

DE

Succeſſione ab Intestate.

Q V A M

PRÆSIDE DEO TER. OPT. MAX.

Ex Auctoritate Magnifici Rectoris,

D. WOLFERDI SENGUERDII, L. A. M.

Phil. & J. U. Doct. illiusque in Illustri Academia

Lugd.-Bat. Profess. ordinarii, celeberrimi, &c.

NEC NON

*Amplissimi Senatus Academici Consensu, & Nobilissima
Facultatis JURIDICÆ Decreto,*

PRO GRADU DOCTORATUS,

Summisque in Jure utroque Honoribus & Privi-
legiis ritè ac legitimè consequendis,

Publico examini subjicit

JOHANNIS DE ZEE, Medenb. West. Fris.

Ad diem 28 Septemb. loco horisque solitis.



LUGDUNI BATAVORUM,

Apud ABRAHAMUM ELZEVIER,

Academiae Typograph. MDC LXXXV.

Generosissimis, Spectatimisque,

V I R I S

D. JOHANNI DE ZEE, Chomarcho
quotuor Chonatum Cohlandiæ Borealis,
quondam Reipub. Medenb. Consuli patri
omnibus obsequiis prosequendo.

D. CASPARO à WALLENDAL, ad
Ordin. Coll. Hollandiæ ac West-Frisiæ De-
putato gravissimo, & ordin. West-Frisiæ
quæstori, à Secretis apud Medenb. cognato
meo acutissimo.

Hanc disputationem inauguralem.

JOHANNIS DE ZEE, J. F.

AUCTOR.





DISPUTATIO JURIDICA

INAUGURALIS

DE

SucceSSIONE ab Intestato.

THESIS I.



Quamvis multæ in toto juris oceano materiæ existunt, ex quibus disputationes produci possunt, tamen nulla mihi magis arrisit, quam hac, vobis oculis exponere, ut bona post mortem jacentia ad hæredes pervenirent, scilicet ex testamento, quando quis hæres in testamento scriptus est l. 89. D. de Reg. Jur. vel ex lege, idest ab intestato quando quis absque testamento obiit, & hoc quatuor modis fit, ut patet ex pr. Inst. de hered. quæ ab intest. defer. 1. qui aut omnino non fecit test., cum quis facere possit, & de bonis post mortem relinquentibus in eo non disposuerit, 2. vel jure non fecit, V. Gr. in te-

testamento requiruntur septem testes *pr. Inst. de test. ordin.* & septem non adhibuerit, 3. vel testamentum quod fecit, ruptum irritumque factum est, scil. per maximam & mediam capitis diminutionem, §. 4. *Inst. de hered. qualit. & differ.* vel ultimo demum loco: si in condito testamento heredem non instituerit, sine heredibus enim institutione testamentum non valet, quia est principale membrum testamenti, & deficiente re principali deficit etiam accessorium.

I I.

Quot ergo modi succedendi jure veteri fuerint, in medio relinquimus, sed istos ordines, qui jure novo in usu sunt, explicabimus, quot ergo modi fuerint, & dicendum, in univ[er]sum sex esse, scil. descendantium, adscendentium, collateralium, conjugis, collegiorum, & demum fisci.

I I B O D A N T

Sed ut omnia accurate & distincte definiamus, quinam ad successionem ab intestato veniunt, necesse est, ut primo explicemus gradus, nam cognoscere gradus Jureconsulto, opus est, ut inde colligere possit, si plures sint heredes, quinam in successione præferuntur, q. ergo in descendantibus in quoto gradu mihi abnepos conjunctus est, resp. in quarto gradu, scil. descendendo, ut V. Gr. ego, filius, nepos, pronepos, abnepos, non obstante ea regula, quot sunt personæ tot sunt gradus, nam illa procedit, scilicet uno stipite dempto, & sic me dempto, superstites adhuc sunt quatuor personæ, ex quibus patet, abnepotem mihi in quarto gradu conjunctam esse, q. deinde in ascendentibus, in quoto gradu atavus est, respond. in quinto gradu, scilicet ascendendo, ut ego, avus, proavus, abavus, atavus, & progrediendum tum est, ut ex superioribus patet, ultimo q. in collateralibus, in quoto gradu Patruus mei filia mihi conjuncta est, & dicendum, in quarto, ut V. Gr. primo, ascendendo ad communem stipitem, ut ego, pater, avus, & tum iterum descendendo ad eam personam, de quo scire volo, ut patruus, qui est, ipse pater, & patruus mei filia, porro ex præcedentibus, & sic enumerantur gradus.

I V.

Gradibus jamjam expositis enumeratisque, transeamus ad ipsam successionem q. ergo quinam primo veniunt, respond.

de

descendentes, & descendantium appellatione continentur, filius nepos, pronepos, abnepos, atnepos, trinepos, & qui ultra trinepotem sunt, non habent propria promina, sed vulgo appellantur minores sive posterii, l. 10. §. 7. D. de gradib. affinit. q. si quis ergo reliquerit duos filios, quomodo dividenda est hæreditas, respond. in duas aequales partes, si quis ergo reliquerit duos filios, ex uno filio præmortuo supersunt tres nepotes ut V. Gr.

Johannis { Jacobus

* Maria { * Paulus { Petrus
Theodorus
Paulus.

Johannis duxit Mariam uxorem; & procreaverunt Jacobum & Paulum, Paulus post mortem suam reliquit tres filios, jam Maria & Paulo præmortuis, reliquit Johannis testator unum filium & tres nepotes, q. quomodo dividenda est hæreditas, resp. iterum in duas aequalas partes, sic ut una pars competere filio, altera tribus nepotibus, si quis dicat gradu proximior excludit remotiorem, filius est in primo; nepotes in secundo gradu, resp. cessat in linea descendenti propter jus repræsentationis, quod se extendit usque ad infinitum, sic ut trinepos succederet una cum filiis, scilicet proximioribus personis præmortuis, sed q. quid est jus repræsentationis, resp. est succedere in locum patris prædefuncti, & tantum de hæreditate capere, quantum pater, si vixisset, caperet, q. adhuc si quis reliquerit duos filios, & ex uno filio præmortuo tres nepotes, & ex altero sex, quomodo jam resp. iterum in duas partes, q. an succedunt in stirpes an in capita resp. in stirpes, eo non obstante, pari gradu pariter admittuntur, & per consequens in capita non in stirpes, respond. non admittitur in linea descendenti, semper enim succedunt in stirpes nunquam in capita, nam omnes ex uno stipite descendentes habentur pro una persona. Q. si post mortem testatoris superest pater & filius, an pater filium, an filius patrem excludit, an vero pariter ad successionem vocantur resp. filius excludit patrem, quia descendentes semper præferuntur adscendentibus.

V.

Exordiamur jam lineam adscendentium, q. quinam veniunt resp. adscendentium appellatione veniunt, pater, avus, proavus, abavus, atavus, tritavus, & qui ultra tricavum sunt, non habent propria nomina, sed appellatur vulgo majores, l. 4. §. 3. D. de in jus vocando. Si quis reliquerit patrem & avum ut V. Gr.

Jacobus } Theodorus }
 * Anna } * Catharina } Paulus.

Jacobus duxit, Annam, Theodorum procreaverunt, Theodorus Catharinam duxit, Paulum procreaverunt, Anna & Catharina pramortuis, Paulus intestatus discessit, reliquit Theodorum patrem, & Jacobum avum, quomodo hæreditas Pauli dividenda est, respond. tota hæreditas competit patri, in ascendentibus enim regula locum habet gradu proximior excludit remotiorem q. si quis reliquerit, avum & aviam à parte patris, avum & aviam à parte matris, qui jam dividenda est hæreditas resp. in duas partes sicut alteram habituri sunt, avus & avia à parte patris, alteram vero avus & avia à parte matris Nov. 118. Cap. 3. pr. & vers. 8. autem, q. si post testatoris mortem adhuc in vita sunt, à parte patris avus & avia, & à parte matris avus tantum, quomodo eo casu. Resp. iterum duas æquales partes ut patet ex dict. vers. si autem.

V I.

Deficientibus descendantibus & adscendentibus, succedit linea collateralis, & primo veniunt fratres, fratres in specie tres sunt, vel Germani qui eundem patrem, eandemque matrem, consanguinei, qui eundem patrem, sed diversam matrem, vel uterini, qui diversum patrem, eandemque matrem habuerunt, si defunctus ergo reliquerit, patrem, matrem, & tres fratres Germanos, quomodo jam resp. In quinque partes, porro q. si quis reliquerit patrem, matrem, & tres fratris pramortui Germani filios, qui jam, resp. iterum in tres partes, filii enim fratris Germani pramortui succedunt jure repræsentationis, nam jus repræsentationis se extendit in linea collateralis usque ad fratris Germani pramortui filios Nov. 127. Cap. 1.

VII. Qui

V I I.

Q. jam an fratres Germani excludunt consanguineos, & uterinos, affirm. ut V. Gr.

* Jacobus { Theodorus
Paulus
* Maria { Petrus

* Johannis { Albertus
Adamus.

Jacobus duxit uxorem Mariam, & procreaverunt Theodorum Paulum & Petrum, post mortem Jacobi ipsius uxor nubuit Johanni, & procreaverunt Albertum & Adamum, Maria & Johanne præmortuis, moritur Petrus, sine testamento, relinquens duos fratres Germanos, & duos uterinos q. ad quos jam pertinebit hæreditas, resp. tota ad fratres Germanos, propter duplex sanguinis vinculum pertinebit. Nov. 118. Cap. 3. pr. & sic obtinet etiam in fratris Germani filiis d. Nov. Cap. 3. pr. Sed nepotes non præferuntur fratribus uterinis, quia jus repræsentationis non extenditur in linea collateralis ut dictum est, Cap. 3. vers. unde hujusmodi si quis ergo reliquerit fratres uterinos & consanguineos, quomodo tum succedunt; respond. simul Cap. 3. pr. sic etiam in illorum filiis obtinet Cap. 3. vers. hujus jam. Si nec nepotes sint, reliqui succedunt eo modo, gradu proximior excludit remotiorem, patruus enim & avunculus succedunt simul jure novo, omiſſis agnatorum & cognatorum differentiis. Cap. 3. §. 1. Q. non relictis cognatis qui tum succedunt resp. conjux conjugil. unica Cod. unde vir & uxor. uxore etiam deficiente q. qui jam, resp. si sit miles cohors aut legio l. 6. §. 7. in fine de injusto rupt. & irrit. test. si sit collegiorum membrum collegium, & omnibus denique deficientibus succedit demum fiscus l. unic. Cod. de caducis tollend.

Sat. cito, si sat. bene.

CO-

CORROLLARIA.

I.

Consensus parentum in nuptiis requiritur.

II.

Servus non habet bona propria.

III.

Tutor datur personæ principaliter, non bonis.

IV.

Mulier potest esse testis in codicillis.

V.

Sed non in testamentis.

VI.

Tutor Libello se excusare non potest atutela.

F I N I S.

